

MAC-TALLA.

"An ni nach cluinn mi an diugh cha'n aithris mi maireach."

VOL. I.

SIDNI, C. B., DI-SATHAIRNE, IULAIH 23, 1892.

No. 9.

E. T. MOSELEY, Q. C.,

Comhairliche, Fear-tagraidh,
&c.,

SIDNI, C. B.

Murray & Mac Coinnich,

Comharlaichean, Fir-tagraidh,
&c.,

SIDNI TUATH, C. B.

G. H. MURRAY.

D. D. MAC COINNICH.

HEARN & HEARN,

Fir-Tagraidh, Notairean,
&c., &c.,

SIDNI & ARICHTAT.

J. H. HEARN.

D. A. HEARN.

SEUMAS A. CAIMBEUL,

Brioscaidean, Nithean-milis
Ti, Siucar, Cofi, Tombac'
agus Sigars.

SIDNI, C. B.

THUGAIBH FANEAR.

Reic W. E. Peters ri F. Falconer an obair-dhiolaidearachd a bha e cuir air adhart ann an Sidni.

Bidh an obair sin air a cumail air adhart anns an aite cheudna le ARTHUR FALCONER, a bha o chionn ghoirid ag obair anns na taighean diolaidearach a's fhearr a tha m Boston.

ACFUINN EACH DHE GACH SEORSA

air laimh

F. FALCONER.

Sidni, C. B., Mai 26, 1892.

NAIDHEACHDAN NA SEACHDINN.

Chaidh an t-Onorach Edward Blake a thaghadh ann an Longford-a-Deas an Eirinn.

Tha e air a mheas gu bheil na Staitean Aonaichte a paigheadh mar shaor-dhuais (*pension*) do na saighdearan corr 'us ochd fichead muillean dolair sa bhliadhna.

Tha Sir Iain C. Abott an duil a dhol gu Sassuinn air an fhoghar, a cheartachadh cuisean a thaobh marbhadh nan ron ann am Muir Behring, agus a thaobh malairt nan *colonies*.

Tha e cosg fichead mìle dolair 's an latha do Stait-Pennsylvania, a bhi cumail nan saighdearan aig Homestead air son riaghailt agus sith a chumail a measg nan luchd-oibreach.

A reir a chunntais mu dheireadh a fhuair sinn mu thaghadh nam ball an am Breatuinn, bhatricheud 'saceithir deug dhe na thaghadh air taobh Salisbury, agus tri cheud 's da fhichead 'sa tri deug air tacbh Gladstone.

Tha feum mor aig an duthaich air uisge. Tha 'm feur a crionadh leis an tiormachd 's a reir coltais tha'm barr gu bhi fad air ais. Tha teintean a deanamh call mor anns gach aite; tighean agus coiltlean air an losgadh a h-uile latha.

Tha baile mor Montreal air thoiseach air a h-uile baile 'n Canada ann an toirt cuideachaidh do mhuintir St. John's. Thionailleadh sia mìle fichead dolair anns a bhaile sin cheana, agus cha'n eil teagamh nach eil tuilleadh a tighinn.

Bha iasgach nan giomach na b'fhaide air ais air an t-samhradh so na bha e o chionn iomadh bliadhna Bha 'm biadh gann 's an t-side stoirneil a cheud chuid de'n t-samhradh, 's cha robh na giomaich ri'm faighinn faisg cho pailt sa b'athaist daibh.

Tha duin-uasal a Halifacs, a bha air chuairt ann an Ceap Breatuinn o chionn ghoirid, ag radh gu bheil e na ni comhar- aichte anns an eillean bhoidheach sin an drasd, an aireamh thogalaichean a tha na tuathanaich a cuir suas. Cha'n e mhain gu bheil iad a cuir suas shaibhlean, ach tha moran diubh a togail thighean comhn- uidh.

Ghabh iad ioghuadh mor an Truro, air an t-seachdain so chaidh, de dhuine neo abhaisteach ard a thainig na'm measg. B'e an duine bha so Siosalach a mhuintir Antigonish, agus b'ea e sia troidhean 'us deich oirlich a dh'airde. Bha e air a thurus dhachaidh a Boston.

Bha duin og da'm b'ainm Uilleam Butler, comhla ri chompanaich aig bruaich abhainn Avon, aig Windsor, an la roimhe. Theisich cuid dhiubh air geall a chuir ris nach suamhadh e thairis air an abhainn. Ghabh e an tairgae, dh'fheuch e ri dhol thairis, agus chaidh a bhathadh. Fhuair- eadh a chorp air a chladach.

Thaghail Caipitean J. W. Lawlor, aig Sidni Tuath air an t-seachdain so. Rainig a am port sin air feasgar Di-domh- naich agus sheol e a rithist feasgar Di-mairt. 'Se so an aon duine chaidh thairis air an Atlantic da uair gu sabhailte ann am bata beag. Tha e nis air a thurus gu Newfoundland As a sin seolaidh e gu Queenstown an Eirinn. Tha e 'n duil gu'n ruig e am baile sin ri da fhichead la. Cha chuireadh e iongatas oirnn ged nach ruigeadh e idir.

Chuir cothional Ohreignish, an Inbhir- nis, C. B., air a bheil an t-Urr. Ioseph Siosal na shagart, coig dolair dheug anns an tional air son cuideachadh le St. John's. Tha iad a toilltinn moran cliu air son so. Cha'n eil an sluagh idir saibhir, agus tha moran diubh air falbh aig an iasgach. Cha robh mar sin ach aireamh bheag dhiubh a fhuair cothrom air an tabhartas a chuir anns an tional. B' fhearr gu'n deanadh na h-uile a reir an comais mar a rinn iadsan.

Disathairne so chaidh, bha dithis ghill- ean, Seoras agus Arthur Kerr, a mhuintir Charlottetown, a muigh a sealgaireachd. Binn Seoras cuimse air cu, dh'fhalbh an urchair gun fhios da, agus chaidh a troimh cheann a bhrathair. Bha a marbh anns an uair. Dh'fhag Seoras an corp air an rathad agus ruith e dhachaidh, a dh'inne da pharantan mar a thachair. Nuair a rainig iad, fhuair iad an gille bochd na laidhe ann an loch fala. Thugadh an corp dhachaidh, agus thug an luchd-breith suas gun do thilgeadh e le tuiteamas. Tha 'm brathair a tha beo agus na parantan ann an suidh- eachadh ciansail. Cha robh am fear a mharbhadh ach sia bliadhna deug a dh'aois.

MAC-TALLA.

B' dh MAC-TALLA air a chuir a mach uair 'san t-seachdainn air maduinn Di-Sathairne. A phris 50 sent 'sa bhliadhna; aon àireamh 2 shent.

Bidh aon fear-deasachaidh toilichte bh' cluinntinn o chairdean na Gaelig ge be aite 'm bheil iad agus bidh e re-thaing il airson dad sam bith a chuidicheas le MAC-TALLA, litrichean, naidheachdan, &c., &c. Feumaidh gach ni dhe'n t-seorsa sin a bhi sgrìobhte air aon taobh dhe'n phatpeir.

Seolaibh gach litir 'us eile gu

J. G. McKINNON,
MAC-TALLA,
Sydney, C. B.

SIDNI, DI-SATHAIRNE, IULÀIDH 23, 1892.

Dh'iarramaid a rithist air ar cairdean a bhios a sgrìobhadh litrichean Gailig thugainn, iad 'gan deanamh goirid. Tha moran litrichean a tighinn g'ar n'ionnsaidh nach urrainn duinn a huir 'sa MHAC-TALLA leis cho fada 's a tha iad.

Na'm feuchadh gach aon a tha gabhail a phatpeir so ri neach no dha eile fhaighinn gus a ghabhail, cha b'fhada gus am biodh MAC-TALLA suas a bhruthach. Tha cuid d'ar gabhaltaichean a tha deanamh so, agus 's e tha sinn ag iarraidh gu'm biodh each cho math 's gun dean iad na's urrainn daibh fein.

Tha muinntir St. Johns a fulang. Tha deich mìle gun tigh no fasgadh sam bith, agus coig mìle ann am buthan. Tha corr sa 'n darna leth dhe'n bhaile air a losgadh, 's cha'n eil air fhagail ach a chuid a's miosa dhe. Cha'n eil baile an Canada nach eil a toirt a bheag no mhor de chuideachadh dhaibh, agus tha bailtean ann am Breatuinn a deanamh a ni ceudna. Tha feum mor air gu'm biodh muinntir fialaidh ann an toirt cuideachaidh do'n t-sluagh bhochd so, a chaill an cuid de'n t-saoghal anns an teine a thainig orra gun fhios, gun fhaireachadh.

Tha taghadh nam ball ann am Breatuinn gu ire bhig seachad, agus tha Gladstone a tighinn a mach air thoiseach. Tha mu dha fhichead a bharrachd air a thaobh sa tha air taobh Salisbury. Ged a tha sin fhein aige, cha'n eil e cho laidir 'sa dh'fheumadh e bh' air son an rioghachd a stiùireadh gu dìreach, ceart, mar bu choir dhi. Tha phairtidh Eirionnach air a thaobh agus feumaidh e 'n aire thoirt nach toir e oilbheum sam bith dhaibh. Tha pairtidhean eil ann mar an ceudna, agus bi'dh lamhan Ghladstone gle lan na dh'fheuchas e ri'n toileachadh uile. Cha'n eile teagamh nach bi Fein-Biaghladh air a thoirt do Eirinn.

A PHIOB MHOR.

So mar a labhair an t-Urr Tormoid Mac Ieoid mu'n phìob mhoir:—

'Is i pìob nuallanach nan dos inneal ciuil sonraichte. 'Tir nam Beann,' agus i gu h-aighearach air ghleus an achlais fìor Ghaidheil. A mheoir gu grad air an fheadan, e an lan eideadh nan sonn, agus e le cheum stadail ann an seomar uaibhr-each a chinn-fheadhna no air feadh nan gleann aillidh anns an do fhreagair mac-talla nan creag do fheadain shiubhlach a shinnsearachd. Chan 'il inneal-ciuil eile cho freagrach air son tional clann gach fine bho gach gleanngu cruinneachadh mu bhraataichean an cinn-fheadhna, agus tha dearbh fhios gur i a mhain a chuireas chuireas gillean an fheilidh air mhìre-chath do 'n bhlar. Is beo a bheir i failte do 'n cheann-fheadhna a' tilleadh gu buadhar bho'n chatha, agus is tiamhaidh a thig an tuireadh uaipè an uaira ghiullainear le a dhaoine bronach e gu a dhachaidh bhuan anns a' ghleann, na do 'n eilein naomh anns a bheil a dhaimh no 'n cadal. Tha doimhneachd faireachdainn agus tiamhachd anns a' cheol so, tha air a chur cho saotrachail ri cheile. agus nach tuig neach e ach Gaidheal a mhain. Tha e dhasan lan de chuimhneachain dhruighteach mu a dhachaidh agus mu a dhuthaich; tha an ceol so a' toirt a rithist fo chomhair a shuilean na h-aodainn agus na cruthan a dh'fhalbh; tha e a toirt air suilean 'inntinn a bhith a rithist a' faicinn gach beann, agus loch, agus gleann de dhuthaich oige, agus a' dusgadh suas chuimhe air na laithean a chaith e na 'n measg an uair a bha a shonas aig airde."

DOL THAIRIS AIR A MUIR RUÀIDH.

Dh'fhastaidh easbuig a bha uair-eigin ann am Bail-ath-clìabh dealbhadair gu dealbh a dheanamh air son a bh' 'n crochadh 's an eaglais. Bha 'n dealbh gu bh' sealltuinn nan Israelach a dol thairis air a Mhuir Ruaidh. Rinneadh an dealbh agus chrochadh i 'san eaglais, 's i air a comhdach le cuirtein. Chruinnich sluagh mor ga h-amharc, agus bha iad a feitheamh gu foighidennach gus am biodh an dealbh air a leigeil ris. Ach feuch! nuais a thugadh an cuirtein air falbh, cha robh ni ri fhaicinn ach uisge.

Thionndaidh an t-easbuig gu feargach ris an dealbhadair, agus thubhairt e: "Nach e dh' iarr mi ort a dheanamh dealbh nan Israelach a dol thairis air a Mhuir Ruaidh?"

"Tha sin gle cheart; 'se sin a rinn mi," ars an dealbhadair.

"Ach c' aite 'm bheil na h-Israelich?" ars an t-easbuig.

"Tha iad an deigh a dhol thairis," ars an dealbhadair.

"Seadh, ach c' aite 'm bheil na h-Eiphitch?"

"O, tha iad sin air am bathadh."

D. MAC 'ILLINNEAN, TAILEIR,

SIDNI, - - C. B.

Aodaichean Sassunach agus Albanach dhe gach seorsa 's grinne 'sis fhearr, a feitheamh ri'n cur gu feum. Duine sam bith a dh' fhagas a thomhas aig Mac 'Illinnean, bidh e cinnteach a deise cho cumadail 's cho fasanta 'sa gheibhear an aite sam bith.

TAGHAIL AIG

Aoghnas Domhnullach,

CEANNAICHE,

SIDNI, - - - C. B.

Tha Flur, Min, Siucar, Ti, Tombaca, Coirce, Fear, agus iomadh ni eile aige.

RI'N REIC SAOR!

THA

E. C. NIC FHIONGHAIN,

SIDNI, C. B.

A reic Measan dhe gach seorsa, Canndaidh, Brioscaidean, Siucar, Cofì, Ti, &c.

Ti, Cofì, Bannè, agus deochannan stu eile air laimh an comhnuidh. Biadh air dheasachadh an uine ghoirid.

SANAIS.

Thigibh an so,
Thigibh an so.
Thigibh an so le bhur cuinneadh.
Thigibh an so, 's gheibh sibh cunnradh.
Gheibh sibh rud daor.
Gheibh sibh rud saor.
Gheibh sibh gach ni mar bu run leibh.
Thigibh an so 's gheibh sibh cunnradh.
Seachnaibh na h-uile
Dheògladh bhur cuid,
'San teanga 'nam pluic oirbh a burtadh.
Thigibh an so 's gheibh sibh cunnradh.

TIGH ACADIA.

AM FEAR A GHOID A MHUC.

LE "FIONN."

Gun tuilleadh air no dheth, stocraich na seod gu'm bruidhneadh iad ri dha no tri de dh'oiridh a chlachain, agus gu'n goideadh iad muc Dhonnachaidh Thioram a tigh nan cairtean. Thainig Diluain; mharbh Donnacha Tioram a mhuc, chroch e i an tigh nan cairtean, agus chuir e fios a dh'ionnsaidh Dhughail Ruaidh mar a gheall e. An deigh beul na h-oidhche, thainig Dughall Ruadh an taobh a bha Calum Tailleir, agus goirid as a dheigh, thainig na seoid a bha dol leo a ghoil na muice. 's iad cho ard inntinneach, agus toilichte, 's ged a bhiodh iad a dol gu banais. An uair shaoil leo Donnacha Tioram a bhi na shuain chadail, thog iad orra gu seimh, socair, ghoid iad a mhuc a tigh nan cairtean, 's thug iad i gu tigh an Tailleir. "Ciod a ri sinn ris a bheisd euhoir, reamhar?" arsa Seumas Gobhainn. "Ciod" arsa an Tailleir, "ach a roinn air annuintir a chlachain mar is coir. Mur teig an spiocaicheadh le Donnacha Tioram an t-seana chleachdadh ionmholta a chuimail air aghaidh, ni sinne ge b'oil leis e." "Gle mhath," arsa Dughall Ruadh, "cha'n eil beul 'sa chlachan nach gabh dunadh le slios de mhuc-fheoil. Moire, 's math a laidheas i air etid aca 'n drasda fheon, 's an t-amhlán cho gann." "Tha thu ceart," arsa Seumas beag nam breug, "'s math an glomhan aiseann de mhuc euhoir Donnachaidh Thioraim." Cha robh tuilleadh air; chaidh closach na muicea ghearradh 'na piessan, agus a rionn, an oidhche sin fein, air teaghlaicean a chlachain, agus an earaileachadh gun diog a ghabhail orra gu'n d'fhuair iad a leithid. An uair a bha mhuc roinnte, chaidh na seoid dhachaidh gu modhail, siobhalta. Aig bristeadh na faire, mu'n do bhlaic an t-eun an t-uisege, dh'eirich Donnacha Tioram agus a mhac a chuir na muice am falach mu'm biodh duine 'sa chlachan air an cois. Ged a bha mac Dhonnachaidh cho crion, spiocach, ri athair, cha robh e idir toilichte bhi air a dhugadh am meadhon na h-oidhche mar so. 's ged a dh'eirich e, cha robh e idir fonnar. An uair a dh'fhosgail iad doras tigh nan cairtean, cha robh a mhuc ri faicinn. "Leth na truaighe" arsa Donnacha Tioram. "Thainig an fheala-dha gu da-rireadh. Tha mhuc air a goid gun teagamh. Co air an t-saoghal a dheanadh so?" "Nach deanadh na ceaird, a tha 'san uaimh mhor." arsa Donnacha og; cha'n e h-uile latha gheibh iad cothrom cho math." "Clann an fhir ud," arsa Donnacha Tioram, "bheir mise orr' e," 's shin e as gu uaimh nan ceared, a bha leth-mhile air falbh, 's air leis gu robh faile cubhraidh muc fheoil roiste air a ghiulain air oiteig na maidne. An uair a rainig e an uamh, 's e na fhuil 's na fhalus, cha

robh aig ach an gad air an robh 'n t-iasg,—cha robh ceard no bana-cheard ri fhaotainn air urlar na h-uaimh,—'s b'fheudar dha tilleadh dhachaidh mar a thainig e,—gu modhadh, aimhealach. Cha b'fhada gus an do rainig e Dughall Ruadh. "Am bheil thu gu eridheil an diugh, a Dhonnachaidh," arsa Dughall Ruadh. "'S mi nach eil" arsa Donnacha Tioram; "nach deachaidh a mhuc a ghoid." "Sin thu, Dhonnachaidh, cum thusa sin a mach," arsa Dughall. "Air m'fhacal gu'n deachaidh a goid," arsa Donnacha. Dughall,—Sin thu rithist; boidich thusa sin, 's creididh daoine eil thu. Donnachadh,—air m'fhacal fhirinneach gu'n deachaidh a goid. Dughall,—Dhuine, dhuine, 's briagh theid agad air ceard-mar-fhachaidh; fhaic thu, chreidinn fein do sgeul mur biodh fhios agam air atharrach. Donnachadh,—An e nach eil thu ga m' chreidsinn; cho cinn-teach 'sa tha mi beo gu'n deachaidh a goid. Dughall,—Nach briagha, nadurra, thig na breugan duit; cum thusa sin a mach, 's creididh a h-uile duine thu. Donnachadh,—Nach neorach thu; a Dhughail. Cho fhor ris a bhas gu'n deachaidh a mhuc a ghoid leis na ceaird. Dughall,—Nach briagha laidheas a bhreug air na ceaird. Co nach creid thu a nis? Cha'n eil teagamh nach robh ceard no dha nu ghoid na muice. Donnachadh,—Cha'n eil feum a bhi bruidhina riutsa, cha chreid thu an fhirinn, smier na firinn. Latha math dhuit. Le se a radh, dh'fhalbh Donnacha Tioram dhachaidh 's cha robh e idir toilichte. Chunnais e nach robh feum a bhi bruidhina ris a ghreusaiche mu ghoid na muice, 's ged nach do leag e riamh amharus air Dughall Ruadh, bi'dh latha 's bliadhna mu'n gabh e chomhairle a rithist. Tha mi toilichte 'chluinntinn gu bheil an t-seana chleachdadh air a cumail air chois anns a chlachan fhathast, agus an uair a bhios fonn dannsaidh air an orgridh, 'sa ghleusas Calum Tailleir,—sean 's mar a tha e,—an fhiodhal, no thoisicheas Dughall Ruadh air canntaireachd, 's e so am port a's docha leo ghleusadh,—

"Dh'fhalbh mi fhein 'us ceathrar ghillean,
Dh'fhalbh mi fhein 'us ceathar ghillean,
Dh'fhalbh mi fhein 'us ceathra ghillean,
Ghoid na muice biadhtha.

Ghoid sinn i am beagan uine;
Roinn sinn i ri solus cruisean;
Bha i reamhar mar an t-uilleadh;
Fhuair sinn cunnradh ciatach."

Is tric gus an latha 'n diugh, nuair a tha sgeul fir sa bith air a chuir an teagamh, a gheibh e mar achmhasan,—“Cum thusa sin a mach, mar a thuir am fear a ghoid a mhuc.”

Tha'm beagan thighean a dh'fhagadh gun losgadh ann an St. John's air an domhlachadh le sluagh, agus tha mal air eirigh gu math ard.

BARGAIN.

B'fhearr leinn gu feuchadh sibh aith Flur, a Mhin, an Siucar, 'san Ti a tha sinn a reic. Tha h-uile duine ag radh gur h-ann againe gheibh iad an cunnradh a's fhearr, agus gu bheil sinn a reic ar bathair nis saoire na son de chach.

Botainnean & Brogan air a phris a phraigtheadh tu orr a anns an fhaactoridh.

Fiodh agus gach ni eile air son togai fhaighean *gle shabò*.

C. H. HARRINGTON & CO.
Sidni, C. B.

Ma Cheannaicheas to Bathar

—BHO—

C. S. JOST & CO.,

Cha bhi aithreachas ort,

Airson ad no boineid ruig

MAIRI A. NIC FHIONGHAIN,

aig a bheil

ADAN,
BOINEIDEAN,
RIBINNEAN,
FLURAIICHEAN,
ITEAN.

agus iomadh ni eile. Ad saor no daor mar a's aill leat. Tha'n ad a's saoire gle mhath, ach si'n ad a's daoire 's fhearr.

Am bheil Piano, Organ no Inneal-fuaigheal a dhith ort? Cha'n eil inneal-ciuil ann an Canada ni's fhearr na Pianos agus Orgain "Kharm." Fhuair iad cliu mor aig Feill Halifax an uiridh.

Agus 'se 'n "Raymond" agus an "New Williams" am da Inneal-fhuaigheal a's fhearr a tha ri'm faotainn air thalamh.

Airson tuilleadh fiosrachaidh ruig, no sgrìobh gu

C. B. TRAVIS,
P. O. Box 68, Sydney, C. B.

NIGH'N DONN A CHUIL REIDH.

AIR FONE—“*Willis's on the Stormy Sea.*”

Eh ho ro mo nigh'n donn,
Eh ho hu mo nigh'n donn,
Eh ho ro mo nigh'n donn a chuil reidh,
Ribhinn og a bha rium
Raoid a comhradh gu ciuin,
Tha mo chridhe 'n diugh trom a' dè
dheigh.

'Se do chomhradh, a ruin,
Cainnt a's ceolmhora leam
Na guth smeoraich an dlu'choill nan
craobh,

Na bog-thorman nan allt
'Tigh'nn o airidh nan gleann
'S mi sa mhoch-mhaduinn shamhraidh
'n taobh.

Tha do nadur, a luaidh,
Caoimhneil, cairdeil gun ghruaim,
Gu h-e h-aillachd thug buaidh air gach te;
Dh'eireadh m' aigne le sunnd
'Nuair a choinnicheadh tu rium,
'S chuirinn failt air nigh'n donn a chuil
reidh.

Gur a guirme do shuil
Leam na'a dealt air an driuchd
'Nuair a dhearcas tu ruin orm gu caomh;
Gu bheil maise mar noin
Chuireadh sgaileadh air bron
Ann ad chruth; 's b'e mo dheoin 'bhi ri'd
thaobh.

Tha gnuis alluin gun ghruaim,
Tha gun ailgheas, fan stuaim,
'S pearsa dhireach, dheas, uallach a'n
falbh,

Air an boidhche thig gun
Anns an fhasan a's uir,
Aig a ribhinn a's cuirteil an dealbh.

Tha do chairdeas gle dhluth
Ris na h-aileagan ur
'Bhiodh 's na blair feadh nan duthchannan
thall:—

'S tric a bhuaicheadh iad cus
Ann a' fahar a Phrionns',
'S cha bhiodh onair an duthcha air chall.
'Nuair a chit' iad air sliabh,
Bu ro-bhoidheach an triall;
'S gu'm bu skuaicheantas riamh dhaibh
's gach am,

Long, 'us leoghann, 'us craobh,
'S an lamh-dhearg air an taobh,
Bradán tarraighéal, 'us fraoch glas nam
beann.

Nam biodh beairteas dhomh buan,
Rachainn agriob thar a' chuain
Do'n Roinn-Eorp' leat a luaidh nan deagh
bheus;

'S ann an duthaich nan sonn
Bhiodh daoine-uisle le fonn
A cuir failt air nigh'n donn a chuil reidh.

'S math thig faineachan oir
Air na meoir sin a's boidhch'
'Sa bhios tric ann an seombar ri gleus,
Tha do ghruaidh mar an ros;
Cha'n eil uail ann ad nos;
'S gur leat seusar gach seol agus beus.

'Stomadh cliu th' air do ghnaths,
A nigh'n donn na suil bhlat;—
Tha do shuadh ann an aillead mar
ghrein,

Mar an fluran a' fas
Ann an gleann 'sam biodh blathis
No mar Venus an airde nan speur.

Gur e caoimhneas de-chainnt
A chuir bruailean am cheann
'Scha'n eil fuasgladh ach gann dhomh
fo'n ghrein;

Cha'n eil leigh da mo chradh
Air an t-saoghal so mhain
Amigh' donn lan sul blath, ach thu fein.
C.

Chuir an Soitheach-smuid “Harlaw” air tìr gu

COINNEACH R. MAC COINNICH,

SIDNI TUATH, C. B.

150 baraile Siucair,
250 “ Fuir,
100 “ Min Choirce,
10 “ Molasses,
100 bocsa Tombaca.
200 ciste Ti a Lunnain.

Feof air a spiosradh, agus moran de sheorsaichean eife nach gabh ainmeachadh an
so. Faicadh gach neach air a shon fein.

LEUGH SO.

Tha mi reic Uidheaman-Giulain dhe gach seorsa na's saoire
na gheibhear an aite sam bith eile 'n Ceap Breatuinn. Bheir
mi dhuit Cairt-Rathaid air \$22. Tha mi dol an urras air gach
Carbad a ni mi gu'm bi thu riarachta leis.

Ceannaich do Charbadan 'nad dhuthaich fhein, 'sna bi cuir
do chuid airgid air falbh, gu h-araidh, 'nuair a gheibh thu cho
saor agus cho math aig an tigh

D. W. MAC FHIONGHAIN,

SIDNI TUATH, C. B.

Taghail aig Stor

MATHESON, TOWNSEND

& CO.,

agus faic na tha aca de

Bhathar de gach seorsa,

agus e ri reic gu saor.

Math ar Duthcha tha 'nar
beachd.

COMHRADH.

“De'n uair a tha e?”

“Tha e coig mionaidean an deigh tri.”

“Ciamar a tha fios agad?”

“Nach do sheall mi air m' uaireadear.”

“Dh'fhaidte gu bheil an t-uaireadear
sin ro-luath.”

“Cha'n eil e luath no mall riamh on a
chaidh a chair air doigh mu'n am so 'n
uiridh. Bha e roimhe sin cho mi-dhoigheel
'sa bha 'leithid riamh, air aon spoig, 'se
cho gliogach 's nach b' urrainn dhomh
feum sam bith a dheanamh dheth. Ach
an drasda 'se uaireadear cho math sa tha
'san duthaich.”

“Co 'charaich e?”

“O, nach be cheist e! Charaich

GUZZWELL & RHODES,

am an Sidni, feadhainn da 'm b'aithne-
charadh.”